

## Probierer Eydt.

**I**ch N. Schwere/der Römischen/auch zu Hungern  
vnd Behem zc. Kñ. May. zc. meinem Allergnedigis-  
ten Herrn/ vnd an stat Ihrer Kñ. May. derselbigen  
Hauptman oder Verwalter/ so ieder zeit / von Ihrer  
Kñ. May. inn Sant Joachimsthal/verordent wer-  
den / Das ich einem ieden auff sein begern / trewlich  
vnd vleissig Probiern/vnd desselben rechten bericht thuen wil/Wo  
mir auch new Ertz / oder Bergk art / die sich mit Silber beweist/  
zukubmet/wil ichs erstlich dem/der mirs zu Probiern bracht hat/  
Vnd darnach dem Hauptman/Verwalter vnd Bergkmeister/mit  
beständigem bericht/ vnsaumlich ansagen / Vnd von eyner gemey-  
nen prob / vber vier weis pfenning nicht nehmen / Auch keines an-  
dern gefehrlichen geniess/ oder vorteils daruon gewarten / Als mir  
Gott helff zc.



## Eldisten der Knap- schafft Eydt.

**I**ch N. Schwere/der Römischen/auch zu Hungern  
vnd Behem zc. Kñ. May. zc. meinem Allergnedigis-  
ten Herrn/ vnd an stat Ihrer Kñ. May. derselbigen  
Hauptman oder Verwalter/ so ieder zeit / von Ihrer  
Kñ. May. inn Sant Joachimsthal/verordent wer-  
den / Demnach ich von Gemeyner Knapschafft/zu  
einem Eldisten/ zuuerwaltung ihres Einnehmens vnd ausgebens/  
erwelet bin/ Vnd solchs durch Dochernanter Kñ. May. nachge-  
geben ist / Das ich mich inn solchem Ampt/trewlich/vleissig/vñ  
vngefehrlich / vorhalten wil/Wo ich auch inn erfahrung kumb/  
oder vormercke/das Ihrer May. derselben Amptleuten/Burger-  
meistern / Rath / gantzer Gemeyne/schaden oder nachteyl / zuste-  
hen wolte/ solches dem Hauptman oder Verwalter/von stundan  
vnd vnsaumlich / anzusagen / vnd selbst nach meinem höchsten  
vermögen zuorkubmen/so weit mir Leib vnd leben wendet / trew-  
lich vnd vngefehrlich / Als mir Gott helff zc.

Der Jüngsten